

III - STIMULATIVNE I KAZNENE ODREDBE

Članak 13.

Pravne osobe registrovane za sakupljanje otpadnih materijala i proizvodnju sekundarnih sirovina u suradnji sa komunalnim poduzećima i nadležnim općinskim službama mogu razraditi sistem stimulativnih mjera koje će motivirati građane, škole, institucije, poduzeća i udruge, za selektivno prikupljanje ili odlaganje svih otpadnih materijala za koje postoje mogućnosti prerade i ponovnog korišćenja.

Članak 14.

Novčanom kaznom od 2.000 do 10.000 KM, kaznit će se za privredni prijestup preduzeće ili druga pravna osoba ako:

1. Uništava otpadne materijale koji se mogu valorizirati (članak 3.),
2. Obavlja djelatnost, za koju nije registrirano ili za koju ne ispunjava uvjete za obavljanje djelatnosti (čl. 5. i 9.),
3. Vršiti otkup otpadnih materijala čije podrijetlo je nepoznato (članak 7.),
4. Ne vrši razvrstavanje otpadnih materijala po vrstama (članak 8.).

Za privredni prijestup iz stavka 1. ovog članka kazniće se i odgovorna osoba u poduzeću i drugoj pravnoj osobi novčanom kaznom od 500 do 2.000 KM.

IV - PRIJELAZNE I ZAVRŠNE ODREDBE

Članak 15.

Propis iz članka 5. stavak 2. ovog zakona donijet će se u roku od 60 dana od dana stupanja na snagu ovog zakona.

Članak 16.

Propise iz ovog zakona nadležni županijski-kantonalni organi donijet će u roku od 90 dana od dana stupanja na snagu ovog zakona.

Članak 17.

Danom stupanja na snagu ovog zakona, na teritoriji Federacije Bosne i Hercegovine prestaje primjena zakona i drugih propisa koji su regulirali materiju iz ovog zakona prije stupanja na snagu ovog zakona.

Do donošenja propisa iz članka 5. stavak 2. ovog zakona primjenjivaće se važeći propisi o tehničkim uvjetima opreme i poslovnog prostora za obavljanje djelatnosti prikupljanja, proizvodnje i prometa otpadnih materijala i sekundarnih sirovina.

Članak 18.

Ovaj zakon stupa na snagu osmog dana od dana objavljivanja u "Službenim novinama Federacije BiH".

Predsjedatelj Doma naroda Parlamenta Federacije BiH Mariofil I. Jubić, v. r.	Predsjedatelj Zastupničkog doma Parlamenta Federacije BiH Enver Kreso, v. r.
---	---

246

Na osnovu člana IV.B. 7.a) (IV) Ustava Federacije Bosne i Hercegovine, donosim

UKAZ

O PROGLAŠENJU ZAKONA O PRIVREDNIM KOMORAMA U FEDERACIJI BOSNE I HERCEGOVINE

Proglašava se Zakon o privrednim komorama u Federaciji Bosne i Hercegovine koji je usvojio Parlament Federacije Bosne i Hercegovine na sjednici Predstavničkog doma od 8. 9. i 29. jula 1998. godine i na sjednici Doma naroda od 30. jula 1998. godine.

Broj 01-011-558/98
25. augusta 1998. godine
Sarajevo

Predsjednik
Federacije BiH
prof. dr. Ejup Ganić, s. r.

ZAKON

O PRIVREDNIM KOMORAMA U FEDERACIJI BOSNE I HERCEGOVINE

Član 1.

Ovim zakonom uređuju se osnove za obrazovanje privrednih komora u Federaciji Bosne i Hercegovine i obrazuje se Privredna komora Federacije Bosne i Hercegovine (u daljem tekstu: Federacija).

Član 2.

Privredne komore u Federaciji (u daljem tekstu: komore) su samostalne, nevladine, neprofitne, javno pravne asocijacije, pravnih i fizičkih lica koja obavljaju privrednu djelatnost.

Član 3.

U Federaciji se obrazuju sljedeće komore:

1. Privredna komora za područje kantona-županije (u daljem tekstu: kantonalna-županijska komora).
2. Privredna komora Federacije.

Član 4.

Privredna komora Federacije ima sjedište u Sarajevu i ured u Mostaru.

Poslovi ureda u Mostaru uređuju se statutom Privredne komore Federacije.

Nazivi i sjedišta kantonalnih-županijskih komora određuju se njihovim statutima, prema sjedištu ili nazivu kantona-županije.

Komore iz člana 3. ovog zakona imaju svojstvo pravnog lica. Statut Privredne komore Federacije objavljuje se u "Službenim novinama Federacije BiH", a statuti kantonalnih-županijskih komora u službenim glasilima kantona-županija.

Član 5.

U komorama, prema potrebama, interesima članova i privrednoj strukturi teritoriji mogu se organizovati strukovna udruženja, strukovne grupe, privredna vijeća, grupacije, sekcije i slično, sa statusom utvrđenim statutom komore i pravilnikom rada asocijacije.

Pravna lica, njih najmanje 30 (trideset), iz iste ili srodnih djelatnosti mogu svojim odlukama, ugovorom, sporazumom ili slično, na principu posebnog interesa obrazovati strukovnu (interesnu) komorsku asocijaciju, sa statusom pravnog lica, koja se registruje kod nadležnog suda, prema sjedištu.

Radi zastupanja interesa poslodavaca prema federalnim organima i sindikatu i obavljanju stručnih poslova u oblasti radnog i socijalnog prava, u komorama se mogu obrazovati posebne asocijacije sa statusom utvrđenim osnivačkim aktom i Statutom.

Član 6.

Članovi komora su preduzeća, banke, osiguravajuća društva, finansijske organizacije, zadruge, poslovna udruženja i zajednice, a zemljoradničke zadruge, članovi odgovarajućih saveza, preko svojih asocijacija.

Članovi komora mogu biti naučno-istraživačke i obrazovne institucije, udruženja građana koja se bave privrednom djelatnošću, savezi, interesne asocijacije, fondacije, zaklade i druge organizacije koje obavljaju djelatnost od značaja za privredu, ukoliko odlukom izraze interes za kolektivno članstvo u odgovarajućoj komori, po teritorijalnom ustrojstvu.

Član 7.

Pravna lica iz člana 6. ovog zakona stiču članstvo u kantonalnoj-županijskoj komori prema svom sjedištu, upisom u sudski registar, a kolektivni članovi obrazovanjem asocijacija.

Registre članova vode kantonalne-županijske komore, na osnovu kojih se u Privrednoj komori Federacije formira jedinstven registar.

Registri članova komora su javne knjige, na osnovu kojih se izdaju i ovjeravaju odgovarajuća uvjerenja i potvrde, kao javne isprave.

Uputstvo za vođenje registra članova komore donosi predsjednik Privredne komore Federacije.

Registarski sudovi dostavljaju kopiju rješenja o upisu i brisanju iz registra pravnog lica teritorijalno nadležnoj kantonalnoj-županijskoj komori, radi upisa u registre članova komore.

Kantonalne-županijske komore izdaju odgovarajuća rješenja članovima, o članstvu, sa pravima i obavezama iz osnova članstva u komori.

Članovi Privredne komore Federacije su privredni subjekti i asocijacije na osnovu članstva u kantonalnim-županijskim komorama, a savezi i asocijacije obrazovane na teritoriju Federacije direktni su članovi.

Prava i obaveze u Privrednoj komori Federacije članovi ostvaruju preko kantonalnih-županijskih komora, strukovnih oblika organizovanja, saveza i drugih asocijacija, na način utvrđen njenim statutom.

Član 8.

Komore mogu ostvarivati saradnju sa odgovarajućim komorama i asocijacijama pokrajina, gradova, regija i kantona-županija u drugim državama, te zaključivati sporazume o međusobnoj saradnji, na osnovu međukomorskih pravila.

Međukomorska pravila donose se u Privrednoj komori Federacije, uz saglasnost kantonalnih-županijskih komora.

Član 9.

Nadležni organi izvršne vlasti i uprave ostvaruju saradnju sa teritorijalno nadležnom komorom kao partnerom, u zastupanju interesa članova komora, posebno u sljedećem:

- pripremi i donošenju zakona, drugih propisa, i mjera ekonomske politike i instrumenata kojima se uređuje ekonomski položaj privrednih subjekata,
- pripremi i donošenju strategije razvoja, sektorskih ekonomskih politika (industrije, poljoprivrede, prometa i drugih), zaštite domaćeg proizvodnje, uspostavljanja sistema ekološki održivog razvoja, razvoja i unapređenja institucija tržišta, utvrđivanja tehničkih i drugih standarda,
- pripremi i donošenju mjera unapređenja izvoza roba i usluga,
- promociji privrede u zemlji i inozemstvu,
- utvrđenoj nadležnosti zastupanja poslodavaca u pripremi i donošenju regulative u oblastima rada, penzionog, zdravstvenog osiguranja, plaća i slično,
- drugim pitanjima partnerskih odnosa utvrđenim posebnim propisima i ovlaštenjima komore u nadležnostima iz partnerskih odnosa obezbjeđuju neposredno ili putem svojih organa prijedloge, stavove, mišljenja i slično svojih članova, koje nakon obrade dostavljaju nadležnim organima na razmatranje.

Član 10.

Ustrojstvo, zadaci i poslovi kantonalnih-županijskih komora utvrđuju se njihovim statutima.

Član 11.

Iz oblasti unapređenja privrede i poduzetništva Privredna komora Federacije, pored poslova utvrđenih Statutom, ima sljedeće nadležnosti:

- koordinira zajedničke aktivnosti komora, usklađuje godišnje i dugoročne programe rada, te organizuje realizaciju zajedničkih projekata od interesa za članove,
- učestvuje u oblikovanju ekonomske i sektorskih politika od interesa za članove, preduzima i predlaže mjere unapređenja poduzetništva, analizira dejstvo privrednih propisa i instrumenata, te predlaže mjere prestrukturiranja proizvodnje i usluga na kriterijima održivog razvoja,
- pruža stručni konsalting kantonalnim-županijskim komorama i članovima komora u pripremi projekata izvoza, zajedničkih ulaganja, nastupa i promocija roba i usluga u inozemstvu,
- preduzima mjere na unapređenju, razvoju i primjeni inovacija, pronalazaka, racionalizacija, unifikacije sredstava rada i postupaka, tehničkih i normativnih standarda, te zaštite domaćih proizvoda i uređivanja tržišta,

- organizuje sistem poslovnih informacija i edukacija kadrova u privredi za sticanje inovativnih i drugih znanja, samostalno i zajedno sa kantonalnim-županijskim komorama,
- organizuje pripremu i donosi posebne uzanse u oblasti privrede,
- izdaje uvjerenja, javne i druge isprave, po ovlaštenjima iz propisa federalnih organa i statuta,
- pruža druge stručne usluge članovima.

Član 12.

Komorama upravljaju članovi putem organa.

Organi komora su skupština, upravni odbor, nadzorni odbor i predsjednik.

Izbori za organe komora su tajni i vrše se istovremeno u Federaciji, na period od četiri godine.

Izuzetno, prvi mandatni period traje dvije godine od izbora organa komore.

Statutima komora utvrđuje se sastav organa i način izbora, vodeći računa o strukovnoj, teritorijalnoj i nacionalnoj zastupljenosti.

Odluku o raspisivanju izbora za organe komore donosi Privredna komora Federacije.

Član 13.

Skupštine komora imaju sljedeće nadležnosti:

- donose Statut,
- donose smjernice za godišnji i dugoročni program rada te usvajaju izvještaje o radu,
- utvrđuje visinu članarine članova komore,
- usvajaju finansijski plan i završni obračun,
- biraju i razrješavaju ostale organe komore u skladu sa Statutom,
- donose druge odluke, zaključke i preporuke, utvrđene zakonom i statutom.

Član 14.

U organe komora biraju se istaknuti privrednici-poduzetnici i naučnoistraživački radnici iz oblasti privrede.

Broj, sastav, način izbora članova organa komora, nadležnost, organizovanje rada i druga pitanja uređuju se statutima i drugim aktima komore.

Član 15.

Privredna komora Federacije ima predsjednika i potpredsjednika skupštine i predsjednika i potpredsjednika komore. Predsjednici i potpredsjednici ne mogu biti birani iz istog konstitutivnog naroda i na tim funkcijama se mijenjaju svake godine. Predsjednik i potpredsjednik ostvaruju svoje funkcije u međusobnoj koordinaciji.

Predsjednik komore predstavlja i zastupa komoru.

Član 16.

U okviru komora djeluju sudovi časti.

Sudovi časti vode postupak i odlučuju o povredama poslovnih običaja, ugovora, trgovačkih pravila, uzansi i drugih propisa.

Nadležnost sudova časti određuje se prema sjedištu podnosioca prijave i pravnog lica protiv koga je podnesena prijava.

Statutom i drugim aktima komora utvrđuju se organizacija, sastav, način izbora, mjere koje može izreći, postupak i druga pitanja rada sudova časti.

Član 17.

U Privrednoj komori Federacije obrazuje se stalni izabrani sud.

Stalni izabrani sud nadležan je u predmetima koje članovi komore utvrde ugovorom ili drugim aktima.

Odluke Stalnog izabranog suda imaju snagu pravosnažne i izvršne presude redovnog suda, a objavljuju se u sredstvima javnog informisanja.

Statutom ili drugim aktom Privredne komore Federacije uređuju se organizacija, sastav, način izbora, postupak, finansiranje i druga pitanja rada Stalnog izabranog suda.

Član 18.

Sredstva za rad komora obezbjeđuju se iz članarine, kotizacije i drugih izvora u skladu sa statutom ili drugim aktima komora.

Iz članarine i kotizacije finansiraju se zadaci od zajedničkog interesa, koji se utvrđuju aktima komora i godišnjim programima rada.

Uplata članarine i kotizacije vrši se za komore prema sjedištu članova.

Osnovicu, stopu, rokove i način plaćanja članarine i kotizacije utvrđuju skupštine komora.

Član 19.

Komore za svaku godinu donose i usvajaju finansijski plan i godišnji obračun u skladu sa zakonom i statutom.

Član 20.

Sredstva za rad komora obezbjeđuju se i iz naknada za vršenje usluga i usluga u oblasti javnih ovlaštenja obavljenih pojedinačno članovima, odnosno drugim zainteresiranim subjektima.

Osnovne tarife i kriterije utvrđivanja cijena pojedinačnih usluga donosi upravni odbor komora.

Član 21.

Stručne poslove, poslove za strukovne i druge asocijacije organizovane u komorama, finansijske, administrativne, tehničke i druge poslove obavlja stručna služba komore ili specijalizirane agencije, po posebnom ugovoru.

Član 22.

Nakon isteka prvog mandatnog perioda organa u komorama provest će se konsultacije u komorama putem organa komora ili na drugi način među članovima, radi preispitivanja obaveznosti članstva u komorama.

Član 23.

Postojeće privredne komore koje djeluju na području Federacije transformišaće se u kantonalne-županijske komore, prema svom sjedištu.

Odluke za izbore članova prvih konstituirajućih skupština kantonalnih-županijskih komora, donose vlade kantona-županija.

Postojeće komorske asocijacije u Federaciji predložiti će Vladi Federacije članove inicijativnog odbora za sazivanje prve skupštine Privredne komore Federacije, u roku od 30 dana od dana stupanja na snagu ovog zakona.

Ukoliko u roku iz stava 3. ovog člana komorske asocijacije ne dostave prijedlog, imenovanje članova inicijativnog odbora izvršit će Vlada Federacije.

Konstituisanje Privredne komore Federacije izvršit će se u roku od 90 dana od dana stupanja na snagu ovog zakona.

Konstituisanje kantonalnih-županijskih komora izvršit će se u roku od 60 dana, od dana stupanja na snagu ovog zakona.

Član 24.

Danom isteka rokova iz člana 23, st. 5. i 6. ovoga zakona prestaje primjena odredaba zakona i drugih propisa o privrednim komorama, koje su se primjenjivale na teritoriji Federacije, do dana stupanja na snagu ovog zakona.

Član 25.

Ovaj zakon stupa na snagu osmog dana od dana objavljivanja u "Službenim novinama Federacije BiH".

Predsjedavajući
Doma naroda
Parlamenta Federacije BiH
Mariofil I. Jubić, s. r.

Predsjedavajući
Predstavničkog doma
Parlamenta Federacije BiH
Enver Kreso, s. r.

Na temelju članka IV Odjeljak B, članka 7.a) (IV) Ustava Federacije Bosne i Hercegovine, donosim

UKAZ

O PROGLAŠENJU ZAKONA O GOSPODARSKIM KOMORAMA U FEDERACIJI BOSNE I HERCEGOVINE

Proglašava se Zakon o gospodarskim komorama u Federaciji Bosne i Hercegovine koji je usvojio Parlament Federacije Bosne i Hercegovine na sjednici Zastupničkog doma od 8. 9. i 29. srpnja 1998. godine i na sjednici Doma naroda od 30. srpnja 1998. godine.

Broj 01-011-558/98
25. kolovoza 1998. godine
Sarajevo

Predsjednik
Federacije BiH
prof. dr. Ejup Ganić, v. r.

ZAKON

O GOSPODARSKIM KOMORAMA U FEDERACIJI BOSNE I HERCEGOVINE

Članak 1.

Ovim zakonom uređuju se osnove za obrazovanje gospodarskih komora u Federaciji Bosne i Hercegovine i obrazuje se Gospodarska komora Federacije Bosne i Hercegovine (u daljnjem tekstu: Federacija).

Članak 2.

Gospodarske komore u Federaciji (u daljnjem tekstu: komore) su samostalne, nevladine, neprofitne, javno pravne asocijacije, pravnih i fizičkih osoba koje obavljaju gospodarsku djelatnost.

Članak 3.

U Federaciji se obrazuju sljedeće komore:

1. Gospodarska komora za područje županije-kantona (u daljnjem tekstu: županijska-kantonalna komora).
2. Gospodarska komora Federacije.

Članak 4.

Gospodarska komora Federacije ima sjedište u Sarajevu i ured u Mostaru.

Poslovi ureda u Mostaru uređuju se statutom Gospodarske komore Federacije.

Nazivi i sjedišta županijskih-kantonalnih komora određuju se njihovim statutima, prema sjedištu ili nazivu županije-kantona.

Komore iz članka 3. ovog zakona imaju svojstvo pravne osobe.

Statut Gospodarske komore Federacije objavljuje se u "Službenim novinama Federacije BiH", a statuti županijskih-kantonalnih komora u službenim glasilima županija-kantona.

Članak 5.

U komorama, prema potrebama, interesima članova i gospodarskoj strukturi teritorije mogu se organizirati strukovna udruženja, strukovne skupine, gospodarska vijeća, grupacije, sekcije i slično, sa statusom utvrđenim statutom komore i pravilnikom rada asocijacije.

Pravne osobe, njih najmanje 30 (trideset), iz iste ili srodnih djelatnosti mogu svojim odlukama, ugovorom, sporazumom ili slično, na principu posebnog interesa obrazovati strukovnu (interesnu) komorsku asocijaciju, sa statusom pravne osobe, koja se registrira kod nadležnog suda, prema sjedištu.

Radi zastupanja interesa poslodavaca prema federalnim organima i sindikatu i obavljanju stručnih poslova u oblasti radnog i socijalnog prava, u komorama se mogu obrazovati posebne asocijacije sa statusom utvrđenim osnivačkim aktom i Statutom.

Članak 6.

Članovi komora su poduzeća, banke, osiguravajuća društva, finansijske organizacije, zadruge, poslovna udruženja i zajednice, a zemljoradničke zadruge, članovi odgovarajućih saveza, preko svojih asocijacija.

Članovi komora mogu biti znanstveno-istraživačke i obrazovne institucije, udruženja građana koja se bave gospodarskom djelatnošću, savezi, interesne asocijacije, fondacije, zaklade i druge organizacije koje obavljaju djelatnost od značaja za gospodarstvo, ukoliko odlukom izraze interes za kolektivno članstvo u odgovarajućoj komori, po teritorijalnom ustrojstvu.

Član 7.

Ovaj zakon stupa na snagu osmog dana od dana objavljivanja u "Službenim novinama Federacije BiH", a primjenjivat će se od 1. januara 2004. godine.

Predsjedavajući
Doma naroda Parlamenta
Federacije BiH
Slavko Matić, s. r.

Predsjedavajući
Predstavničkog doma
Parlamenta Federacije BiH
Мухамед Ибрахимовић, с. р.

Na osnovu člana IV. B. 7. a) (IV) Ustava Federacije Bosne i Hercegovine, donosim

UKAZ

O PROGLAŠENJU ZAKONA O IZMJENAMA I DOPUNAMA ZAKONA O PRIVREDNIM KOMORAMA U FEDERACIJI BOSNE I HERCEGOVINE

Progllašava se Zakon o izmjenama i dopunama Zakona o privrednim komorama u Federaciji Bosne i Hercegovine koji je donio Parlament Federacije BiH na sjednici Predstavničkog doma od 30. juna 2003. godine i na sjednici Doma naroda od 14. maja 2003. godine.

Broj 01-500/03
17. jula 2003. godine
Sarajevo

Predsjednik
Niko Lozančić, s. r.

ZAKON

O IZMJENAMA I DOPUNAMA ZAKONA O PRIVREDNIM KOMORAMA U FEDERACIJI BOSNE I HERCEGOVINE

Član 1.

U Zakonu o privrednim komorama u Federaciji Bosne i Hercegovine ("Službene novine Federacije BiH", broj 35/98) u članu 1. stav 1. mijenja se i glasi:

"Privredne komore u Federaciji (u daljem tekstu: komore) su nezavisna, nevladina, neprofitna udruženja pravnih i fizičkih lica koja obavljaju privrednu djelatnost.

Iza stava 1. dodaje se novi stav 2. koji glasi:
"Članstvo u komori je dobrovoljno."

Član 2.

U članu 4. u stavu 1. iza riječi: "u Sarajevu" piše se tačka, a riječi: "ured u Mostaru" briše se.

Stav 2. briše se.

Dosadašnji st. 3., 4. i 5. postaju st. 2., 3. i 4.

Član 3.

U članu 6. stav 1. mijenja se i glasi:

"Članovi komora mogu biti preduzeća, privredna društva, banke, osiguravajuća društva, finansijske organizacije, zadruge, poslovna udruženja i zajednice, a zemljoradničke zadruge, članovi odgovarajućih saveza, preko svojih asocijacija."

Član 4.

U članu 7. stav 1. mijenja se i glasi:

"Pravna lica iz člana 6. ovog zakona mogu steći članstvo u kantonalnoj komori prema sjedištu, upisom u sudski registar, a kolektivni članovi obrazovanjem asocijacija."

Član 5.

Član 22. briše se.

Član 6.

U članu 3. tačka 1.; članu 4. st. 3. i 5.; članu 7. st. 1., 2., 6., 7. i 8.; članu 8.; članu 10. st. 1. i 2.; članu 11. alineja 3. i 5.; članu 23. st. 1., 2. i 6. riječ "Zupanija" u različitim padežima briše se.

Član 7.

Ovaj zakon stupa na snagu osmog dana od dana objavljivanja u "Službenim novinama Federacije BiH", a primjenjivat će se od 1. januara 2004. godine.

Predsjedavajući
Doma naroda Parlamenta
Federacije BiH
Slavko Matić, s. r.

Predsjedavajući
Predstavničkog doma
Parlamenta Federacije BiH
Мухамед Ибрахимовић, с. р.

PREDSJEDNIK FEDERACIJE
BOSNE I HERCEGOVINE

344

Na temelju članka IV B.3.7.a) (7) Ustava Federacije Bosne i Hercegovine ("Službene novine Federacije BiH", br. 1/94 i 13/97) i članka 2. Zakona o pomilovanju ("Službene novine Federacije BiH", br. 9/96, 13/97 i 47/01), predsjednik Federacije BiH uz suglasnost oba dopredsjednika Federacije BiH donio je

ODLUKU

O POMILOVANJU PRAVOMOĆNO OSUĐENIH OSOBA
KAZNENO-POPRAVNI ZAVOD U ZENICI

Izrečena kazna zatvora zamjenjuje se blažom kaznom slijedećim osuđenim:

1. BARIŠIĆ (Hrvoja) ERVIN, osuđen presudom Kantonalnog suda u Zenici broj K-431/97 od 31. 12. 1997. godine izrečena kazna zatvora u trajanju od 3 (tri) godine i 6 (šest) mjeseci. Odlukom Predsjednika FBiH broj: 01-20/01 od 6. 12. 2001. godine pomilovan za 1 (jednu) godinu. Da se izrečena kazna zatvora snizi za 6 (šest) mjeseci.
2. ČAUŠEVIĆ (Adila) ASIM osuđen presudom Kantonalnog suda u Bihaću broj K-103/98 od 24. 5. 1999. godine izrečena kazna zatvora u trajanju od 7 (sedam) godina. Odlukom predsjednika FBiH broj 01-594/00 od 5. 12. 2000. godine pomilovan za 1 (jednu) godinu. Da se izrečena kazna zatvora snizi za 1 (jednu) godinu.
3. DELIĆ (Salke) AVDO osuđen presudom Kantonalnog suda u Tuzli broj K-188/97 od 13. 3. 1998. godine izrečena kazna zatvora u trajanju od 4 (četiri) godine i 10 (deset) mjeseci. Presudom Vrhovnog suda Federacije BiH broj KZ-445/98 od 3. 10. 2000. godine prvostepena presuda preinačena i osuđen na kaznu zatvora od 8 (osam) godina. Odlukom predsjednika FBiH broj 01-285/01 od 6. 12. 2001. godine pomilovan za 1 (jednu) godinu. Da se izrečena kazna zatvora snizi za 1 (jednu) godinu.
4. JURKOVIĆ (Ive) MILAN osuđen presudom Višeg suda u Tuzli broj K-96/91 od 18. 11. 1991. godine izrečena kazna zatvora u trajanju od 9 (devet) godina i 6 (šest) mjeseci. Da se izrečena kazna zatvora za 1 (jednu) godinu i 6 (šest) mjeseci.
5. KERANOVIĆ (Zuvdije) MIRZET presudom Kantonalnog suda u Bihaću broj K-32/01 od 28. 8. 2001. godine izrečena kazna zatvora u trajanju od 12 (dvanaest) godina. Da se izrečena kazna zatvora snizi za 1 (jednu) godinu i 6 (šest) mjeseci.

Odbijaju se molbe za pomilovanje osuđenih osoba:

1. BIŠANOVIĆ (Hamdije) ADIS
2. ČELJO (Asima) ENES
3. HALILOVIĆ (Nazifa) RASIM
4. JAŠAREVIĆ (Hasana) AMIR
5. KUDUZOVIĆ (Alije) SAMIR
6. MEMIĆ (Esada) ENIS
7. RAMIĆ (Hasana) ADEM.

KAZNENO-POPRAVNI ZAVOD PT SARAJEVO

Neizdržani dio kazne zatvora zamjenjuje se uvjetnom osudom slijedećim osuđenima:

1. GENJAC (Mustafe) NISVET, osuđen presudom Općinskog suda u Visokom broj K-197/01 od 22. 5. 2002. godine izrečena kazna zatvora u trajanju od 6 (šest) mjeseci. Da se neizdržani dio izrečena kazne zatvora